

ЯНВАРТЬ

9-це шистонза 1941 кизоня

4 (1800)

ПИТНЕЦ 5 тд.



# Комсомолу Вайгяль

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адрессь: г. Саранск,  
Советская ул., Дом печати.

## ШКОЛАСА СОЗНАТЕЛЬНАЙ ДИСЦИПЛИНАТЪ ИНКСА

Республикаса ушедеть учительский районный и ошень январский совещаниятне. На совещаниятнень эса народнай учительствась, тиёмк итокт эсь полугодовой кропотливый работанцы, лифине ланге педагогический работань ценнейшей опытноень, тии синь эзост коллективной проверка и критический анализ сянь инкса, штоба ка-никулада меле кеподемс нинге сяда оцю идейно-политический уровень школасса марнек учебно-воспитательной работань.

Аш меств корхтамска, што Мордовиянь учительствась 1940—1941-це тонафнема кизотъ 1-це полугодиястонза сатсь аф калдяв успехт. Улихть школат, конат тонафнемань васень шитнень пингстакиге учащайхненди предьявляли оцю требовательность тонафнема-са, дисциплинаса и тянь вельде пачфтезь успеваемость 95 процентс, а башка классне сатсь 100 процентнай абсолютнай успеваемость.

Лятфтамок тяфтама показателхть, аш кода ётамс вакска—средний школань старший класснень эса и высай учебнай заведенийтнень эса тонафнеманкса платность установивдаманц колга партиять и правительствать мероприятияснон огромный значениянц, конат тись оцю толчок отличнайста и цебарьста тонафнень лувксть касфто-манцы.

Но тя нинге ёфси аф корхтай сянь инкса, што сатфт ни учебно-воспитательнай работань лучшей методонь вершинатне. Тя тевса эриви нинге эрь шинь кропотливый, научно-исследовательский и исследовательский оцю работа.

Минцонк учительсь пользовандай оцю авторитетса и всеобщай кельгомаса. Штоба аф юмафтомс и аф пацькамс тя почетнай лемть, эриви сембе виень путозь ётафнема эряфе передовой учительнень ценнай опытнон и вооружандамс сонь мархтонза сембе учительствовать. Январский совещаниятнень инголи путевихть кафта основной кизефкт, тя—школасса сознательнай дисциплинасть кемокстаманц и ётаф материалхнень коряс ученикненди практический навикань максомать колга.

Вов и ня кафта кизефксень перьф эриви келетемс совещаниятнень эса деловой методический дискуссия, конань вельде самс единая мяльса, единая целеустремленносться сянди, штоба ся козя опытсь, конань сатозь лучшей учительне, сявомс сяда товодонь работати основакс. Сембе докладтне и корхтаматне должетт концентрированнойхть ня кафта кизефксень обсуждандамаснон перьф.

Ленинско-Сталинский комсомолсь ульсь и ащи дисциплинированностьень инь лучшей образецонь няфтикс. А минь содасась, што эрь аф полнай средний и средний школатнень эса улихть комсомольский и пионерский организацият, конат ащихть инь примернай и сознательнай тонафнихнень эзда. Значит, учительствать ули шко-

ласса кемя опорац, конань мархта эриви кирдемс эрь шинь живой соткс. Учителсь, кона правильна вятсь эсь руководстванц тонафнемать лангса, сонь классонза фкакс образцовай дисциплинась, цебарьста ладяф самостоятельность, кемоста сплоченнай коллективсь. Сембе тя воспитандакшни ученикненди коллективизмань чувстват, тонафнемаса ответственность, календакшнесыне ученикть волянц и характеронц.

Вов глушковский средний школасса (Кадошкинень район) 10-це классна класснай руководителькс работай Н. С. Смирнова ялгась. Сон, вятмок эсь классонза правильнай воспитательнай и методический работа, сатсь 95 процентнай успеваемость. А тяка жа школань 8-це «А» класса калдяв дисциплинасть и массово-воспитательнай работать сюнеда успеваемость анык 47 процент. Тя кинь эзда зависит? Анык класснай руководитель эзда, кона аф машты правильна методически организовандамс тонафнемать.

Или сявсаськ Мамолаевань (Рыбкнень район) средний школань биологичинь преподаватель Клоков ялгать. Сон, ётамок ся или тона растениять или животнайть теорияса, эстакиге теориять сотсы практиковать мархта. Лиякс мярьгомс, Клоков ялгась организовандась школасса замечательнай живой уголок, кося улихть сембе эривикс экспонаттне и няфнесыне практический. И, тяда башка, Клоков ялгась школасса организовандась биологический научатнень сяда крхкаста тонафнемаснон инкса юнатонь 6 кружокт, и сонь наблюдениянц ала юнаттне синь вятхть деятельнай работа.

Тяфтама примерда можналь няфтемс паяк лама. Январский совещаниятнень задачна ащихть сянь эса, штоба лездомс учительнени аф анык сознателнай дисциплинасть кемокстаманц и ученикненди практический навикань привитиять инкса тюремать значениянц шарьхкодмаса, но и [практически лездомс методикас коря ня задатчтнень правильнайста пашкодмаса.


Вов тянкас и РСФСР-нь Наркомпроссь специальна кемоксась январский совещанияса докладчикненди эривикс материалхт кафцьке кизефксень коряс. Ня совещаниятне должетт вооружить учительнень учебно-воспитательнай работань инь лучшей методса. Синь должетт ётамс школьной работань инь актуальной проблемань коллективнайста разрешандамань духса и воодушевили ба учительнень од творческой вииса образцовайста работамс.

Аш кодамовок сомнения сянь эса, што тонафнемань омбоце полугодиять пингста, сувамок XVIII-це партийнай конференциять лемса социалистический соревнованият, Мордовиянь учительне нинге сядонга цебарьгофтсаяз воспитательнай работать и од поколений коммунистический воспитаниясонза сатхть подлинно-большевистский работань образецт.

10-це классонь ученикне ащихть инициаторкс общественнай работасонга. Синь вийсост ульсь пуфтипесат организовандафт хоровой кружокт, а тани Щепетов учительть руководстванц вельде 10-це класса организовандафт музыкальной и хоровой кружокт.

Я. Пинясов.

Ковылкинань район.



СНИМКАСА: Тимирязевский академияса Геодезиянь кафедрань ассистентъ Л. И. Шмаков (кучкаса) ётафты занятия академиянь слушательхнень—СССР-нь Верховнай Советонь депутаттнень К. А. Боринть (кержи ширеса)—Краснодарский крайса Штейнгардский МТС-нь ингольдень комбайнерть и Чкаловский областса Уралоилекский МТС-нь ингольдень комбайнерть А. П. Оськинть мархта.

Фотось Н. Алексеевть (фотось ТАСС-ть).

## Сембе избирательхненди Латвиянь КП(б)-нь ЦК-ть обращенияц

Январь 7-це шистонза Латвиянь КП(б)-нь ЦК-сь обратился Латвийский ССР-нь сембе избирательхненди призыв мархта, штоба сембе, кода фкя, салхть январь 12-це шистонза избирательнай урнатненди и максолезь эсь вайгальснон коммунистонь и беспартийнайнь блокть кандидатонзон инкса.

Обращения эса корхтали Советский Союзть всемирно-исторический победанзон колга, конат сатфт хозяйственной и культурнай эряфть сембе областензон эса, ся завоеваниятнень колга, конатнень сатозень Латвиянь трудовой наредсь советский власть эряманц пингста. Касы латвийский промышленность. Машффт безработицась. Модафтома крестьятне получаст мода. От-

мененайхть выкупной пандоматне, конат кевке нюрьгсть трудовой крестьянствать сяладзонц лангса и налогонь, сбороны и штрафонь задолженностне. Государствась макссь крестьянский хозяйстватненди кредитт. Рабочай семьятне подвалхнень эзда ётаффт эряма цебарьквартирас. Трудящайхненди макссеви бесплатнай медицинский лезкс.

— 1941 кизонь январь 12-це шиц, — корхтали обращенияса, — должен арамс латвийский народть, кона марса Советский Союзть сембе народонзон мархта сплаченай Ленинонь — Сталинонь победоноснай знамяснон перьф, несокрушимай морально-политический единствацты демонстрациянь шикс!

(ТАСС).

## Комсомолеце производствань передовикт

Пяшкотышнемк ВКП(б)-нь XVIII-це съездть и ВЛКСМ-нь ЦК-ть VIII-це и X-це пленумонзон решенияснон, «Красная уржа» колхозонь комсомольский организациясь, кося секретарькс работай И. И. Бикеев ялгась, ламода цебарьгофтозе эсь работанц.

Комсомолеце тяса примосихть активнай участия колхознай производстваса. Комсомолець Кондаков, работамок ко-нохокс, алашатнень упитанностьснон пачфтезе средняйс и вышесредняйс. Сонь коннай дворсонза фалу чистота и порядок.

Комсомолець Матюшкин паксянь разнай работаса 1940 кизоня тись 400 лама трудоши, комсомолець Бикеев С. И. тись 385 трудоши.

Комсомолеце тяфта жа ётафнихть колхозникнень ёткас политико-массовой оцю работа, конань вельде «Красная уржа» колхозсь аф калдявста пашкодезень сельскохозяйственной работанзон и получась оцю урожай.

Аф случайна, што тяса колхознай лучшей од ломаттне паяк оцю мяльса

сувсихть комсомолть рядонзонды. Анык мекольдень пингть первичнай организациясь примась эсь рядонзонза 17 од передовой ломань, конат эсь ударнай трудон мархта колхозса няфнестъ и няфнихть образецт сембе колхозникненди.

Но рянок нят сатфксень мархта тя организациять работаса лама и аф сатыкстонга. Главнайсь ащи сянь эса, што одс примаф комсомолецнень мархта аф ётафневи сатомшка воспитательнай работа. Да и сире комсомолешнень эзда кой-конат калдявста кепсесазь эсь идейно-политический уровеньнон. Нльне сонць секретарсь Бикеев ялгась эсь лангсонза работай кржа.

Комсомолешнени организовандафт политграмотань кружок, но сонь эзонза якайхть нинге аф сембе комсомолеце. Вов, кда аф нят афсатыкене, организациять производственной работаса успехонза улельхть ба ламода сяда оцюфт.

В. Кадикин,

Мельцанский район.

## 10-це классь получазе якстерь знамять

Сире Дракинань средний школасса кемонце класса ученикнень 80 процент-ена комсомолецт. Сембе комсомолеце упорнайста тонафнезь тюретъ школьной переходящай якстерь знамять инкса. Синь максеть II-це четверть эзда успеваемость инь оцю показателхть, лихкс мярьгомс, абсолютнай успеваемость синь касфтозь 95,6 проценте.



# ВОЕННОЙ ХИТРОСТЬ И НАХОДЧИВОСТЬ

Греческий мифологияса ули фкя поучительнай предания троянский алашать колга. Питай кемонь кизот ахейце (грекня) осаждали Троять, но теист вестенге изь удалакшне суваме тя цебярста защищеннай ошти. Эста синь кярмодсть хитростти: тисть пяк оцю шуфтонь алаша, конань потмос кяшсь несколько самай отважной воин. Сяда меле ахейце кровястезь палаткатнень эсь лагерстезь, кона ащесь Троять перьф, и тусть.

Троянеце нязезь противникть уи кораблянон и радостнайста ивятикшнесь лисеть равнинат лангс. Тяса синь нязезь шуфтонь алашать пяк оцю фигуранц.

— Мезе тя стамсь? — кизефтезь синь.

— Тя алашась — ахейцнень дарсна Афиня шкайти, — отвечаць хитрай грексь Синопсь, конань намеренна кадозь берягити ахейце. — Кда тинь вятсасть тя алашать ошу, сон арай Трояти аралайкс.

Доверчивай троянеце вятезь алашать ошти и предались лама кизонь войнать аделаманц случайса ликованияс. А мзярда синь пиршества сизезь, матодовсть, ахейский воитне лисеть алашать потмоста и срадсть ошт эзга, кровястезь куттнень и шавондозь удийхнень. Ошсь палсь, а ся пингть эзда кемерсть и ахейцнень войскасна.

Тяфта прась Троясь. Ся, конацашезь сатнев кемонь кизоста, военной хитростть применениянц вельде сатовсь фкя веста.

Военная хитрость, инициативась, находчивость, смекалка, нят замечательнай свойственне отличают сембе великай полководецнень. Военная мыслясь любой армияса фалу работай сянь лангса, штоба каннемс противникти апак учекс смертельной удархт, кундамс сонь ловушкас. Эсь пингстонза сотцемс врагть замысланзон, васькафтомс и машфтомс сонь эстейт ёмла жертвань питнеса — тяди аноклай мирнай времаста Якстерь Армиять эрь подразделенияц.

Но и врагське сембе пингста стремитсь тяди жа. Следовательно, штоба саськомс, эряви улемс цебарьста аноклафокс, улемс сяда пяк ловкайкс и хитрайкс. Тя можна сатомс аныцк сярд, мзярда Якстерь Армиянь боецне и командирхне кармайхть развивать и совершенствовать сембе боевой навыкасн, сяка лувксса инициативать и хитростть.

Тимошенко ялгась эсь «Ценная по-

чин» статьясонза тернесыне од ломатнень лапкас и упорнайста анокламс войнати. Сон подчеркивает, што бойть успехонза значительнайста кармайхть ащема аф аныцк цебарь техникуть эзда, но и боецнень синцень умелай, инициативнай действияснон эзда.

Белогиттнень каршес войнась макссь лама яркай факт и примерхт, конат подтверждают оборонань народнай коммисарть сембе нят валонзон правильностьснон. Финляндияса военной действиян театрас ульсь пяк своеобразнай. Суровой природась, крхка ловсь, пантне, болотатне, вирхне, озертне, врагть пяк лама ловушканза, — нят сембе тиендсть серьезнай трудностть якстерьармеенди. Командирхнень и боецнень эзда, исключительнай выносливостьта и боевой опытта башка, эрь аськолксса требовалсь находчивость и инициативась, конат лездолхть теист курокста ориентировандамс самай сложнай условияса и успешнайста тапамс врагть.

Белогиттнень каршес фкя бойть пингста вражеский солдатне кирвястезь минь танконьконь. Экипажти ашель кода лисемс машинат эзда, сяс мес противниксь кирдесе сонь сильнай ружейно-пулеметнай тол ала. Казалась, положениас безвыходнай — толсь моли бензинонь бакти, тиеви взрыв, и ломатне юмайхть. Но танконь командирок Симен ялгась мусь выход. Няемок маласта шуфтт, конат вельхтяфт ловонь вазьса, сон приказал вятемс танкть пряма синь лангост. Ловонь пяк оцю поколхне пяреть палытанкть ланкс и матозь толть. Тяде меле машинась ульсь тага бойса.

Интереснай случай ульсь младшай командирть Засорин ялгать мархта. Тейнза ульсь поручандаф разведовандамс вирень участать, конань эзда ащесь минь фкя взводоньконь кич. Сон азесь предположения, што потай белогиттне вирьса шуфттнень пряскадсть синцень «кукушкаснон» (снайперснон). Тя предположениясь подтвердилсь. Мзярда Засоринць ётазень ёмла кустарникнень и сувазь сиде вирить, сонь вниманианц привлекандазе оцю паргана кузсь. Сонь прясонза няендесь и ляцендесь сембе пространствась, тяка лувксса и кинясь, конань эзда должеттолхть модемс взводть боецонза.

Засоринць кяшсь кустарникнень потмос и ушедсь наблюдать. Несколько минутад меле кузть сиде тарадонзон потмоса мезе-бди кашторгодсь, и младшай командирсь различил ломанть чуть

заметнай очертаниянон, конац озафоль тоза. Тя пингть эзда кузти ласьксть кафонест — финский солдат и офицер. Солдатсь сотнесь пикськяти, конац таргафоль вярй, патротт. Снайперсь усконозь синь эстейнза. Офицерсь явна нервничендась, ванондомк частонзон лангс, зоркайста ванондсь бокнень эзга.

Засоринць васенда думандась савомс снайперть пленц, но отказась васенце планонц эзда. Врагта колма, синь эрявись уничтожендамс.

Сон ляпсь снайперта лангс. Ся кевкс прась алу. Но Засоринць выдал эсь прайнц ляцманц мархта. Эстакиге жа вражеский пулясь прафтозе Засоринть масторт лангс. Минутада меле Засоринти сась меки сознанияц. Панжемк сельмонзон, сон нязезь, што офицерсь и солдатсь шаштыхть тейнза, кирдемонок оружияснон анокста.

Мезе тиемс? Фкя-фкянь мельге мелькали прясонза решениятне. Засоринць притворилсь кулофокс. Офицерсь комась сонь вельксозонза, кеподезе сонь кяденц и поддазе. Кядец безжизненна прась. Белогитнць кяждонза сюензевсь, кучкордесе минь командироньконь несколькоксть бок ланга и эряскадозь тусь прочь, пелемок засадав повомда.

Эста Засоринць стясь, осторожна шарфць туй вракнень ширес и паланжа лангста ляпсь синь лангост. Офицерсь прась. Солдатсь комонь ласькозь, но пулясь сатозе и соньге.

Белогиттнень каршес бойхнень эса геройхне няфтеть изумительнай выдержкань лама примерхт, находчивостть и хитростть.

Советский од ломатне, конат ётнесазь начальнай военной подготовкати Осоавиахимонь организациатнень эса, должетт сембе пингста стреминдамс развивать эсь наблюдательностьснон, выносливостьснон, смекалкаснон, смелостьснон касфтоманцты. Боецонь нят качестватне эрявхть воспитандамс инь од пингстакиге.

Военизированной походса, тактический играса, мзярда действують кафеке ширетне («якстерьхне» и «синийхне»), казначай комсомолецть ули возможность опытной ялгань руководства ала тонафнемс передвижениять мельге наблюдений, действиятнень, вирьса, пересеченнай местностьса противникть сигналонзон мельге. Походонь руководительхне должетт тонафтомс будущай боецнень, кода шаштомс против-

никти сонь планонзон содама цельса, кода кулхпандомс корхнемаснон, мумс огневой точканзон, правильнайста докладывать командирти.

Эряви эсь эозост развивать находчивостть, сельмондсь зоркостенц и наблюдательностть. Синнеф тарадонь коряс, тапаф тишеть коряс, ваткаф шуфтть кеденц коряс, ёрдаф папирскать коряс, матф костёрть и прочай предметнень коряс тонадт мушендомс противникть вирьса, степса. Маштт маскировандамс шуфта пряс, лова, тие потмоса, открытай местностьса тяфта, штоба неприятельский дозорсь тонь афолenze му и эздот кафта аськолмат вастсовок.

Тонадыть всевозможнай сигнальхнень (намонень, животнаен, зверень вайгальснонды подражаниять, световой сигнальхнень, шуфтста знакенень, конат противникти аф заметнайхть, и прочайхнень) кизонь, суткань пингть особенностень зависимостьснон эзда и местностть особенностензон.

Ульхть ловкайкс, выносливайкс, тят пеле кодамовок трудността, курокста примсек решеният и маштозь синь пашкотькшнеть. Мзярда эряви кяшемс модати — маштт кшникаймоть мархта владендамс, кода шрать ваксса куцють мархта, кда эряви аф заметнайста шаштомс врагти — шаштт куйкс, тят ван урдазть и ловть лангс. Улят начка и урдазу пильгста пряс, сянгса лисят бойса победителькс, тапасак врагть и ванфцак тонцень и ялгатнень эряфснон.

Кда веши обстановкас, куцть оржаста сери шуфта пряс, цебарьяста маскировандак тоса, и снайперкс машфть противникть.

Тонафнек якама вирьса звериннай киге, преследуй врагть тяфта жа настойчивайста, кода охотниксь преследует дичь. Ульхть противникть мельге охотендамста хладнокровнайкс. Тонафнек эсь времастонза нолнемс ходс, ваномок обстоятельство коря, различнай видонь оружийть: винтовка, гранатать, штыкть, ружейнай прикладть и кшникаймоть.

Сембе нят козя военной опыттне эрявхть тонадомс нинге Якстерь Армияв самда инголе. Древний спартакнень лаца, комсомолецне должетт развивать эсь эозост воинонь навыкат, апак лотсекс закалять эсь организмацень, тренировать мускулхнень, приобретандамс находчивостть и военной хитростть.

Батальоннай старшай комиссарсь  
Н. КАССИН.



## Коде ухаживадамс вазнять мельге

Васень кемонь-колмогемонь шитне — шачф вазнять эряфса инь опаснайхть. Тя пингть эзда вазнятне сембодонга сядеста сяряткшнхть желудочно-кишечнай урмаса, конатнень эзда афшуроста и кулсхть.

Аныцк шачф вазнясь пяк слабый, сон цють кирди пильге лангса, калдываста кирдсь прайнц, сонь понац начка. Сон эряви нардас чистай коське лоскодса и ашкодомс мезьска лямбонь потмос, кандомс специальнай помещениас (профилактория), конац тиф одс шачф вазнятнеди. Тоса эряви инголкиге анокламе акшоста ватф чистай клетка шужарень ляпе апафкс мархта.

Поместиндамок вазнять клеткав, сонь кадондсаз ваймама. 1—1,5 частта меле тейнза максихть молозива — тядянь лофца, сембодонга цебарь парной лямбе лофцсь. Кда лофцсь кельми, сонь обязательна эряви эдемс 35—38 градусс модемс, аныцк аф тол лангса: нол-

дасть лофцть ведаркаса пси ведсь, лофцть шорсесть и внимательнайста ванода градусникть коряс температурать мельге.

Опытнай животноводсь вазнять лофцта симома курок тонафтес ведаркаста, а тя сонь шумбрашинцты сембодонга полезна. Коде крайностть, вазнять можна симнемс потань пачк, конац парендаф лакай ведсь. Обычна вазнясь пяк курок тоначнй симома сонц.

Тейнза лофцть макссазь особай нормас коря, конанц составил зоотехниксь. Эряфонь васень шитнень пингста вазнятне средняйста симондихть 4 литрста савомок 5 литратнеди модемс.

Васень 10—15 шитнень пингста вазнять аннесазь 4—5 эрь шине, сяда шуроста аннемс аф эряви, сяс мес тя случайста тейнза эрь андомста эряви макссемс лама лофца, а тьян эзда можна пашкодемс сонь желудканц вельф и

вазнясь сярятксты.

Кажнай вазняти эряви эстейнза башка ведарка и щетка (штоба аф шорямс илятнень мархта, эрявхть теист тиендемс номернат). Ведаркась эряви кирдемс чистайста и эрь ярхцамда меле сонь штаме лакай ведсь.

Штоба содамс, нормальна ли развиваются вазнятне, синь эрявхть 2—3 шитнеди весть весендакшнемс особа тиф клетка мархта весса.

Вазнятне должетт улемс сембе пингста чистайхть. Весть, шити синь чистендакшнесазь ляпе щеткаса, конань эзда петф понатнень чистендакшнесазь скребнича.

Профилакторияса температурась должен улемс 10—14 градус лямбе. Повфтада тоза градусник. Помещениясь эряви регулярна эшенфнемс. Тянка панчсесть форточкати. Профилакторияв повфнеда можжевельниконь, пичень или кузонь тарадонь букетт, и эста сембе пингста помещениас воздухсь ули цебарь.

10—15 шида меле вазнятнень профилакторияста ётафнесазь телятнику. Кирдсазь синь башка клеткава, иначе, кда сярядксты фкя вазня, сон может заразиндамс мятненьге. Аныцк, кода исключения, можна кадондомс 3—4 вазнят марс.

Тя возрастста савомок вазнятнень аннесазь колмокеть шити и особай, тя-

ни ни иля нормас коря, конанц составил зоотехниксь.

20—25 шинь вазнятнеди, лофцонь обычная порцияда башка, максихть цебарь тие. Тяде башка шити весть-кафксть теист максихть лакафть лямбе ведь или тишень чай.

Телятникса вазнятнень мельге уходсь должен улемс тяфтама жа цебарь, кода и профилакторияса.

Штоба вазнятнеди аф кандомс микробат, эряви теист модемда инголе, штаме кяттнень, щамс халат и нардас пилькнень. Синь щакшнесазь сярд, мзярда молихть телятникти, а лисемста кайсесазь и кадондсаз кенкшть вакс.

Кда нийсасть, што вазнясь калдываста эсь прайнц марясы — аф ярхцай, ащи нолдань прят, сонь понац лохматендай, или мутада сярядемань иля признакт, курокоме азость фермань заведующайти и ветеринарти. Сяряди вазнять, пока сон аф пчкяй, эряви кирдемс башка изоляторса. Тяфтама изолятор должен улемс эрь телятникть видеса.

Кда карматада ваномост нят сембе правилатне, ванфтсасть молоднякть и касфттада цебарь тракт. А тьян мархта тинь канттада оцю польза родинати.

В. П. РЫШКОР.





СНИМКАСА: «Авангард» спортивной обществань лыжникине (Уралмашзавод, Свердловск) тренировкасот.

Фотось В. Носковть (фотось ТАСС-ть).

## Йотафтсть военной игра

Сире Дракинань средний школань старшай классонь ученикне и учительне аф кунара ётафтсть военной игра. Игрась мольсь боевой обстановкаса. Сон ётасть пняк интереснайста и увлекательнайста. «Якстерхне» сявомок правильнай тактический линия, пняк вишкета отбили «синийхне» позициясон, конат ульсь оборонаса и занязь синь укрепленнай пунктсон.

Особенна цебарьста налкхеть ком-

сомолецне Филимоновсь, кона ульсь лейтенант, ВЛКСМ-нь организациять секретарец Кулагин ялгась и учительсь А. С. Шурчинь.

Ученикне тя играть мархта илядсть пняк довольнайста и решили практиковандакшнеме тяфтама играт сяда товонга.

Я. Пинясов.

Ковылкинский район.

## Родительсь лездсь школати

Мамолаевский средний школань юннатне сатсть охотниконь вельде ранендаф орёл и решили пуюмс сонь живой уголку. Но сяс мес орёлсь кемоста ранендаф, живой уголку ашель кода пуюмс. Эста Болобенков родительсь, конань якайхть школав 3 иденза, сявозе орёлть и тись операция. Тяни орёлсь сембе ширде шумбра и

путь школьной живой уголку, кода ценнейшай экспонат тонафнемать цебарьгофтомаса. Ученикне-юннатне тонадсазья тя благороднай и вию нармонть особенностензон, характеронц и повадканзон.

Учительсь Г. И. Клоков.

Рыбкинань район.

## ЛЕНИНСКАЯ КОМСОМОЛТЬ СЕМЬЯС

Саранск ошень 44 № школать куважа коридоронзон эзга яксаргонь полтонак таргаветь колмоце классонь ученикне эсь вожатайсон мельге. Аньцек илядсть вальмать вакса кафта, аф ою, акша шяярь стирят и валомне веляфнесть книга листкятнень эса. И синь эсь ётковаст фкя-фкянди прянь люкштисезь мезе бди азонкшнесть.

— Валя! Сима! — лисемок класста, ивадсь вожатайсь, — книгатнень ванондомс кудсонга кенерхтыда, сувада!

Вожатайсь срафтозень книганзон и кядьстонза кагодонзон, пуютозень синь партать ланге, и ушедозе «Ленинц и итне» темать колга эсь беседанц.

— Сембе, мезе минь нияхтыма, иднат, сельмоньконь мархта перф пияи ваиноз: эфтерь сяшка фабрикатнень и завоттнень, колхознай и совхознай кели паксятнень, совцень мазы Москуть якстерь кремлевский звезданзон мархта, коста сембе лямбе кожфсь, шинь валдсь эжнесы и валдопнесы минь сединоконь, — максозь Ленинц и сонь маластонь ялгац Сталинц. Синь максозь трудити, тонафнемати, ваймаматиправать.

— Соня, а Владимир Ильич ульсь пионерке? — Кизефтезе вожатайть фкя, якстерь щёка пряня, равжа сельме пионеркас.

— Ашель, ашель уле. Владимир Ильич тонафнесть оязоронь властть пингста, а эста пионерхт ашельхть.

— Ся пингть комсомолецка и ком-

сомолкатка ашельхть? — Кизефтезе вожатайть Валентина Челмакинась.

— И комсомолецт и комсомолкатка ашельхть, — тага отвечай вожатайсь, — комсомолть 1918 кизоня пуроптозе Ленин ялгась.

Тяда меле вожатайсь азондозень пионерхенди ленинский итнень: — пионерхень и комсомолецнень задачасон, што эрь пионерсь эста аньцек ули настоящей — ленинский идькс, мзярда кармай цебарьста и отличнайста тонафнема, школаса, ульцяс эсь прянь цебарьста вятема. Аньцек тяфтама пионерхне примсевичть ленинский комсомолть семьяс, достойнайхть каннеме ленинский комсомолонь лемть.

Валясь сембе нят корхтаматнень внимательнайста кулхондозень и валинянц пес пуютозень синь мялезонза.

\* \* \*

Тяфта, марнек кафта частт мольсь пионерхнень тя сбора вожатайть мархта беседасна. Тя ульсь 1936 кизоня, мзярда Валяти ульсь сембоц 10 кизот, И ся пингста сявомок «ВЛКСМ» валсь вестенге ашель аерткшне сонь прятонза.

Тя пингть эзда ётасть ровна ниле кизот, Валясь аделась кота класст. Ушедомок колмоце класста, сон эрь кизоня отличнайста тонафнемани инкса получахнесть похвальной грамотат.

Сась ламос учсеф шись. Омбоце этажста ою класснай комнатати пу-

## „Одкши“ сборникть колга

Мордовский государственный издательствась 1940 кизоня поддась начинающей поэттнень и писательхнень произведениясон эзда кочкаф «Одкши» заголовка ала сборник.

Тя пняк цебарь, што Мордгизсь шарфтьсь мьяль начинающей писательхнень творчествасон ланге.

Сборникть подламац ащи сатфксекс мокшень литературать касоманцты. Сон нйфнесыне начинающей авторхнень творческий вийсон, синь способностенсон.

Сборникть эса печатлаф 14 авторонь произведения: синь эздост 12-сь начинающей поэтонь, 2 прозаиконь. Сборникть эса стихнень эзда можнат лувомс цебарькс Илья Девинонь — «Морайхть Сталинц», Ольга Тулаевать — «Тунда», Ямашкинть — «Илядсь Станца», Макуловть — «Мора учительть колга», Василий Каргинть — «Колма шиста» стихотворениясон и стак тов.

Но тяка пингова вярэ азф цебарь стихнень вакса поддаф лама калдяв стихта. Сявсась В. Каргинть «Лия ши мастороньконь вельксса», «Пилот», «Ванясь инголе и тяни» стихотворениясон.

«Лия ши мастороньконь вельксса» стихотворениясь ушеды:

Ушесь мани. Зарясь пожарке палы, Кизонь кожфкясь лямбоста уфай.

«Пилот» стихотворениясь ушеды тяф-

та: Ушесь лямбе, шиське псиста пиди, Кизонь кожфкясь лямбоста уфай.

Няфтьф ня строчкатнень эзда няеви, што Каргинць стихотворениясон ушеткшнесыне и аделакшнесыне пцтай фкя лаца. Тя няфнесы, што авторсь кржа лангост работась, беднай лексиконц.

Ою аф сатыкст улихть Николай Челмакинть стихонзон эса. «Мьяльс касы» стихотворениясонзон сон сёрмады:

Йотась ловонь канды тилось, Мазы стирнякс сась тундась, И природась ловнять алдось,

Пара мьяльс тевс кундась.

Кода шарьхкодсь Челмакинць природать? Сонь шарьхкодманц коряс лисенди, што природась эряй аньцек кизонда, мзярда панжихть панчфне.

Безидейнайкс, смыслафтома сёрмаф «Сась майсь» стихотворениясь.

«Одкши» сборникса — тяфта жа, кода начинающей, занци, васта С. Самош-

кинць. Вов сявсась «Колхозти лезтма», «Сёронь урядаса», «Арина» произведенийанзон, кда можна тяфта марьгомс. А монь мьяльсон сембе нят сёрмадома тонафниень васень упражненият. Синь эсост подражательнай характер мокшень сяда сире поэттнени. Вов Сёронь урядаса» стихотворениясонзон сёрмады:

Шужарсь хоть и эчке и сери, Аф кирдеви сякокс розть пряц, Кассь ни сон оюста вари,

А пряц алу нюргома лядсь.

Васень кафта строкатнень эса авторсь азозе ни, што розь «шужарсь и эчке и сери», и тяся кати-мезенди тяшти: «кась ни сон оюста вари».

«Арина» стихотворениясонзон сопоставляет сон украинский классикть Т. Г. Шевченкоть Катеринанц мархта советский авать — Арина трактористка.

Тяся Самошкинць использовандазе Т. Г. Шевченкоть «Катеринань» композициянцка, кона, конешна, пняк аф соответствовандай советский авать эряфонцы.

Но аф лувомок тя существеннай особенность, Самошкин марнек подражает Т. Г. Шевченкоти. Подражать можна, но эряви маштомс.

Авторсь нльне ашель визьде шарфтомс мьяль читательти.

«Модась сокаф ни кунара, Бта тевге аф муви?

— Тяфтак ащи трактористкась

Кода арьсят, лув?

Тяфтама аф сатыкст улихть и

А. Беляевть, А. Петровть стихсон

эсовок.

«Одкши» сборникста прозать колга аф карматама корхтата, но аньцек азсась, што тосонга улихть цебарь вастнень вакса аф сатыкст.

Эряви азомс сборникть тематиканц колга. Тематикань ширде пцтай аш кодамовок разнообразия. Кажнай авторть обязательна повсь «тунда» или «тыла» стихонза: 7 стихотвореният тундась колга, 6—7 стихт тятлоть колга.

А коса эрь шинь лакай эряфсь, стахановский трудсь?

Неужели, ня калдяв стихотворениятнень вастс афольхть мув сяда цебарьхть?

Таста няеви, сборникть составительнц Яков Пинясовть и редакторнц Н. Челмакинть ответственностьма работасна.

А. Малькин.

ромсть комсомолецне и комсомолкатне. Собраниясь как раз ётай ся комнатаса, коса Валясь ниле кизода тяда инголе ульсь васень пионерский сборса. Ою щёка цёраньсь, конань эста каяжияфнесь Валять ланге, тяни станяк ашельс озада, эхень крайса.

Валясь собраниясь сась сембода инголе, и озась фталда ащи партать вакс. Радостнай волнениять эзда сонь седице бта матор тотнась.

Собраниясь Валясь кулхонкшниси секретарть и выступающейхнень эрь валонды. Васенце кизефксть аделамда меле секретарсь азозе: ётагама, ялгац омбоце кизефксти — комсомолу примамати.

Марьямок нят валхнень, Валясь пуютозе кургонц ланге курмозенц и козкстась коське коз. А сонень седице нинге сяда вишкета ушедсь тотнама. Сон варжакнесь, то секретарть, то ою щёка цёраньсь ланге, конань ся пингть мезе-бди фалу сёрмакшнесть блокнотонцты.

...Следующай заявляниясь Челмакина Валентинань, — марьясь секретарть вайгялец, — сон эняльди примамс сонь комсомолу членкс. Кулхондсась автобиографиянц?

— Обязательна, — пшкядсь Козеев комсомолецсь.

— Шачень мон, — ингольдень беднай крестьянсь семьяс. Тяни алязе служащай, ВКП(б)-нь член.

— Родительхне коса эряйхть? — Кизефтезе комсомолець Калинин ялгась.

Саранскийса. — Отчетливайста отвечась Валясь.

— Биографический даннайзон коряс аш кизефкст сяда лама? — Кизефтезень комсомолецнень секретарсь.

— Аш, — Марьявь лама вайгяльхть.

— Но кинь улихть кизефксонза уставть и программать эзда?

— Монь! — Кеподемок кяденц, пшкядсь ою щёка цёраньсь. — Катк азсы кодама отношенияса Япониясь эряй Индо-Китайть мархта, кодама США-тнень отношенияса тяниень войнати, кодама договорхт минь правительстваньке заклочил мекольдены пингть иля государстватнень мархта?

— Да, нят кизефкснень уставти аш кодамовок отношениясна, — маргсь кие бди комсомолецнень ёктста.

— Тя текущай политика, комсомолецсь обязан содамс нятненге, эрязста корхтась ою щёка цёраньсь.

Челмакина Валясь, марьгат класса преподавательть инголе, отлична отвечась уставть и программать эзда максеф кизефкснень ланге.

— Монь предложениязе Челмакина Валентинань примамс комсомолонь членкс, — кеподемок кяденц, — азозе комсомолкась Лаптева ялгась.

— Кие сянкаса, штоба примамс Челмакинать комсомолонь членкс, — эняльдан кеподиенть кядентень?

— Сембе кеподезь, аделазень валонзон комсомольский организациять секретарец Монахова ялгась.

Валясь озась, и, мзельтомок трванзон, эсь пачканза корхтась: тяни монга ленинский комсомолть семьясан.

М. Сайгин.



## КОМСОМОЛЬСКИЙ ХОЗЯЙСТВА ОБРАЗЦОВАЙ ПОРЯДОКСЬ—ЗАЛОГ ДИСЦИПЛИНАТИ

Повторнай проверкась няфтезе, што аф ваномок ВЛКСМ-нь ЦК-ть XI-це пленумонц решениязон ланге, башка комсомолецне грубайста нарушандакшнесазь членский взносон пандомать колга инструкция. Рыбинский районца лама комсомолецт кяшендезь организациять эзда фактический заработкаснот. Тяфта, например, комсомолец Шмирев (Ефаева велень НСШ-ста) 1940 кизоня ашезь панда организациати 17 ц. 21 тр. взнос, Сутягинань комсомольский организациять секретарец Артамонов ялгась 3 ковда ламос ашезень панда членский взносонзон. Пурдошанский районца первичнай комсомольский организациань секретарьхненъ мельге лувондови задолжность 574 ц. 91 трешник. Нат ярмакне комсомолецненъ кядьста кочкафт, но атак макст сберкассав.

Сембе нат фактне корхтайхть сянъ колга, што ламоц комсомолецненъ, да и комсомольский организациань секретарьхненъ эзда аф пашкотыкшнесазь ВЛКСМ-нь уставть васенце пунктонц.

Повторнай проверкада меле членский взносон пандомать коряс тевс ламода цебяргодсь. ВЛКСМ-нь Атяшевский райкомть мельге илядсь аныпек 75 палковой долг, но и сявок январьста ули погашёнай, своднай отчетненъ райкомтенъ инъ ламосна кармасть максемост.

эсь пингстот. Тяфта жа аф калдывста ладяф членский взносон пандомась и кой-кона первичнай организациань эсовок. Манадыш № 3 велень комсомолецне аккуратна паннесазь членский взносон, комсомольский хозяйствась ванфневи образцовайста.

Но лама аф аныпек первичнай организациань, но и комсомолонь горкомт и райкомт ашезь тие повторнай проверкат эзда эривикс вывотт. Ингольцекс полайхть тя тевса грубай нарушеният. ВЛКСМ-нь Ардамованъ, Б.-Березникованъ, Ромоданованъ райкомтне танимс аф эсь пингстот кучсихть обкому своднай отчетт, ВЛКСМ-нь Саранскийн горкомс сянъ васте, штоба няфтемс тя тевса аккуратностень иример, 3 кофт аф максси ни обкомти своднай отчет членский взносон пандомать колга.

Комсомолонь райкомтненди и горкомтненди эривихть учеть сят аф сатыкне членский взносон пандомать коряс, конат ульсть нолдафт повторнай проверкада инголе, и тиес настоящей порядка комсомольский хозяйствати, ибо тя комсомольский дисциплинасть кемокстамаса васенце залогсь.

А. Куликова.

Саранск ош.

## Цебяргофтомс комсомольский организациять работанц

ВЛКСМ-ть программац, определяндамок комсомолть социалистический строительство областса задачанзон, указывает, што «комсомолецт эриви эсь ударнай работанц мархта няфнемс кепотькс и увлекандакшнемс тьян мархта сембе од ломатненъ».

Пашкотыкшнесазь ли нат указанияненъ эсь практический работасост стройтрестонъ комсомолецне? Можна атак касфнек азомс, што аф. Тянди причина, васендакиге, ащи первичнай комсомольский организациять сянъ ётксот калдыв работац. Вдъ мезьса, кда аф тя мархта, можнат азондомс сят фактне, што комсомолецне Федоров Иванц, Гужов Михаилс и лиятне работаса нормасон систематически аф пашкотыкшнесазь, производства эсь прясон ватьсазь аф дисциплинированнайста. А комсомольский организациань нльне вестенге тяфтама поступкатненъ колга эсь собраниясонзонга ашезь корхта.

Фяков комсомолец организациять эзда аф примоси кодамовок участия военно-физкультурнай работать эса. И тя фактське, марьяк, ёфси аф тревожасы комсомольский организациань секретаренц.

ВЛКСМ-нь Саранскийн горкомти сави шарфтомс мьяль тя организациань ширес и лездомс тейст работасост аф сатыкненъ машфтомаса.

И. Челмакин.

Саранск ош.

## АЛГЕБРАСЬ И ФИЗИКАСЬ АФ ТОНАФНЕВИХТЬ


Лама пингта ни ётась, кда ушедсь 1940—41-це тонафнема кизось, но Од Выселкаса тачиень шити сам кой-кона дисциплинатненъ коряс аш преподавателхть. Тяфта 7-це класса, сяс мес аш преподаватель, аф тонафневихть алгебра, физика и геометрия дисципли-

натне.

Надиятама, што Zubovo-Полянский РОНО-сь шарфтомс тьян шире мьяль и маластонъ пингть кучи школав нат дисциплинатненъ коряс преподавателхть.

И. Козеев.

Zubovo-Полянский район.



Советский Арктикаса.

СНИМКАСА: Пилот—Шарт нолдамда инголе. (Тихая вахтась).

(Фотось ТАСС-ть).



СНИМКАСА: Английский тяжёлый танкатне походот.

(Фотось ТАСС-ть).

## Англо-германский войнась

Кода пачфнесы германский информациональ бюрось, январь 6-це шистонза германский самолеттне, аф ваномок калдыв метеорологический условиятненъ ланге, бомбардировандасть важнай военной объект Южная и Центральнай Англияса. Фкя аэродромть эса колафт масторса ащи бомбардировщикне. Бомбат повсть химический и шарикоподшипниковой завоуттненди. Башка самолеттне атаковандазь Лондонть. Сяка

пингть ульсть прафтфт воздушнай заграждениянь 7 аэростатт. Лондонть эзда сядя север ширеса вокзалть маласа машффт товарнай ваготт и несколько паровоз. Срафтфт рельсонъ китне.

Рейтер агентствась пачфнесы, што калдыв погодать сюнеда январь 7-це шини карша веть английский авиациясь полетт изъ тиенде.

(ТАСС).

## Албанияса фронттненъ эса

Кода пачфнесы Ассошиэйтед Пресс агентствать корреспондентон, греческий командованиять представителец азозе, што Албаниять прибрежнай секторсонза грекне молихть Валонати. Клисурать эзда сядя север ширеса греческий вой-

скактне фатясть пандонъ важнай позиция и несколько веле.

Фронтть лия участканзон эса моель аф оцю действии.

(ТАСС).

## Африкаса войнась

Лондонца официална азф сянъ колга, што декабрь 12-це шистонза савомок (Западный пустыняса английский наступлениять ушетксот), сембоц шавф и пленц савф итальянецта лувондови 94 тежянь ломань. Тянень пингть военной действиянь фронтсь потась египетский границать эзда примерна 100 миляда Тобрукть — итальянский военно-морской и воздушнай мощнай

базать шири. Бардиять и Тобрукть ёткса фактически аш итальянский войска. Марнек тя участкать эса действовандайхть английский патрульне.

Английский журналистский крукенъ эса корхтайхть, што маластонъ пингть ушедыхть оцю операция Тобрукть маласа.

(ТАСС).

## Тайть и Французский Индо-Китайть границасон лангеа

Американский корреспонденттненъ сообщениясон коряс, Тайнь войскактне ётазь французский Индо-Китайть границанц и аккупировандасть несколько веле. Французский Индо-Китайнь отступающий войскактненъ ёткса лама юмафкест и кадсть бойнь вастти лама

снаряжения. Тайнь самолеттне бомбардировандазь Французский Индо-Китайса военной центратненъ. Францусне тисть ответнай бомбардировка. Границать лангеа различнай вастова стаки молихть столкновеният.

(ТАСС).

## Английский газетась Англиять и сонъ союзниконзон торговый флотсон юмафксон колга

«Дейли Геральд» английский газетать морской обозревательс сёрмады, што мекольдён кафта кофнень пингста Англиять и сонъ союзниконзон торговый флотсна юмафкс эрь недаяста 75 тежянь тоннада лама. Кода корхтай обозревательс, войнанъ васенце кизотъ пингста судостроениянь планц атак пашпоттель. Кда юмафксненъ возмещенияса сядя товга кармай молема тяфтама темпса, то английский торговый флотть и союзникненъ флотсон чистай юмафксна кармайхть улема равнайхть 3 миллиотт тоннат кизоти, лиякс марьгоме, суднатненъ общай тоннажсон 10 проценттонза ламонцы.

(ТАСС).

## Американский журналистсь Англияса разрушениятненъ колга

Ассошиэйтед Пресс агентствать корреспондентонц валонзон коряс, кона аф кунара сась Англияста, няеви, што Лондонца башка, воздушнай бомбардировкатненъ эзда сембода пяк пострадали Ковентрись и Саутгемптонь. Эривксты колмошка-ветешка киза сянкса, штоба меки петемс сянъ. Бристольть кой-кона райононза срафнефт сядя пяк, чем Ковентрить райононза. Тяфта жа вииста срафнефт Бирмингамть кой-кона райононза, тиконъ ёткса ошть деловой районьца. Корреспондентсь арьси, однак, што германский авиациять налетонзон вельде срафтф Англиять военной промышленностенц аф 5 проценттонза ламоц.

(ТАСС).

Врид. ответ. редакторсь Дм. РОДИН.